



МОНГОЛ УЛСЫН ЗАСГИЙН ГАЗРЫН ТОГТООЛ

2016 оны 9 дүгээр
сарын 21-ний өдөр

Дугаар 97

Улаанбаатар
хот

Гамшгаас хамгаалах улсын албадыг шинэчлэн байгуулах тухай

Гамшгаас хамгаалах тухай хуулийн 16.2, 17.2-т заасныг үндэслэн Монгол Улсын Засгийн газраас ТОГТООХ нь:

1. Гамшгаас хамгаалах улсын албад, тэдгээрийн түшиглэн ажиллах төрийн захиргааны байгууллага, албадын дарга нарыг хавсралт ёсоор баталсугай.
2. Гамшгаас хамгаалах улсын албадын бүрэлдэхүүнийг томилон тэдгээрийн гүйцэтгэх үүргийг тогтоож, бэлтгэл, бэлэн байдлыг хангаж ажиллахыг улсын албадын дарга нарт, улсын албадын үйл ажиллагааг уялдуулан зохицуулж ажиллахыг Монгол Улсын Шадар сайд У.Хүрэлсүхэд тус тус үүрэг болгосугай.
3. Энэ тогтоол гарсантай холбогдуулан “Гамшгаас хамгаалах улсын албадыг шинэчлэн байгуулах тухай” Засгийн газрын 2015 оны 3 дугаар сарын 9-ний өдрийн 81 дүгээр тогтоолыг хүчингүй болсонд тооцсугай.



Монгол Улсын Ерөнхий сайд

Ж.ЭРДЭНЭБАТ

Монгол Улсын Шадар сайд

У.ХҮРЭЛСҮХ



Засгийн газрын 2016 оны 97 дугаар
тогтоолын хавсралт

ГАМШГААС ХАМГААЛАХ УЛСЫН АЛБАД

№	Улсын албаны нэр	Түшиглэн ажиллах төрийн захиргааны байгууллага	Улсын албаны дарга
1	Байгалийн болон химийн аюулыг үнэлж, мэдээлэх алба	Байгаль орчин, аялал жуулчлалын асуудал эрхэлсэн төрийн захиргааны төв байгууллага	Байгаль орчин, аялал жуулчлалын сайд
2	Барилга, хот байгуулалтын алба	Барилга, хот байгуулалтын асуудал эрхэлсэн төрийн захиргааны төв байгууллага	Барилга, хот байгуулалтын сайд
3	Зам, тээврийн алба	Зам, тээврийн хөгжлийн асуудал эрхэлсэн төрийн захиргааны төв байгууллага	Зам, тээврийн хөгжлийн сайд
4	Уул уурхай, хүнд үйлдвэрийн алба	Уул уурхай, хүнд үйлдвэрийн асуудал эрхэлсэн төрийн захиргааны төв байгууллага	Уул уурхай, хүнд үйлдвэрийн сайд
5	Хүн ам, нийгмийн хамгааллын алба	Хөдөлмөр, нийгмийн хамгааллын асуудал эрхэлсэн төрийн захиргааны төв байгууллага	Хөдөлмөр, нийгмийн хамгааллын сайд
6	Хүнс, хөдөө аж ахуйн алба	Хүнс, хөдөө аж ахуй, хөнгөн үйлдвэрийн асуудал эрхэлсэн төрийн захиргааны төв байгууллага	Хүнс, хөдөө аж ахуй, хөнгөн үйлдвэрийн сайд
7	Түлш, эрчим хүчний алба	Эрчим хүчний асуудал эрхэлсэн төрийн захиргааны төв байгууллага	Эрчим хүчний сайд
8	Эрүүл мэндийн алба	Эрүүл мэндийн асуудал эрхэлсэн төрийн захиргааны төв байгууллага	Эрүүл мэндийн сайд
9	Мэдээлэл, харилцаа холбооны алба	Харилцаа холбоо, мэдээллийн технологийн асуудал хариуцсан төрийн захиргааны байгууллага	Харилцаа холбоо, мэдээллийн технологийн газрын дарга
10	Мэргэжлийн болон цацрагийн хяналтын алба	Мэргэжлийн хяналтын асуудал хариуцсан төрийн захиргааны байгууллага	Мэргэжлийн хяналтын ерөнхий газрын дарга

11	Хэв журам сахиулах алба	Гэмт хэрэгтэй тэмцэх, нийгмийн хэв журам сахиулах, олон нийтийн аюулгүй байдлыг хангах үүрэг бүхий төрийн захиргааны байгууллага	Цагдаагийн ерөнхий газрын дарга
12	Сурталчилгааны алба	-	Засгийн газрын Хэвлэл мэдээлэл, олон нийттэй харилцах хэлтсийн дарга

ГАМШГААС ХАМГААЛАХ УЛСЫН АЛБАДЫГ ШИНЭЧЛЭН БАЙГУУЛАХ ТУХАЙ ЗАСГИЙН ГАЗРЫН ТОГТООЛЫН ТӨСЛИЙН ТАНИЛЦУУЛГА

Гамшгаас хамгаалах тухай хуулийн 17 дугаар зүйлийн 17.1-д гамшгийн аюулаас урьдчилан сэргийлэх, аврах, хор уршгийг арилгах, хойшлуулшгүй сэргээн босгох арга хэмжээг уялдуулан зохицуулах зорилгоор төрийн захиргааны холбогдох байгууллагыг түшиглэн гамшгаас хамгаалах орон тооны бус улсын 11 алба ажиллахаар хуульчилсан.

Хуульд заасны дагуу Монгол Улсын Засгийн газрын 2015 оны 81 дүгээр тогтоолоор Байгалийн болон химийн аюулыг үнэлж, мэдээлэх алба, Барилга, хот байгуулалтын алба, Зам, тээврийн алба, Уул уурхайн алба, Хүн ам, нийгмийн хамгааллын алба, Хүнс, хөдөө аж ахуйн алба, Түлш, эрчим хүчний алба, Эрүүл мэндийн алба, Мэдээлэл, харилцаа холбооны алба, Мэргэжлийн болон цацрагийн хяналтын алба, Хэв журам сахиулах алба, Сурталчилгааны алба болон тэдгээрийн түшиглэн ажиллах төрийн захиргааны байгууллага, дарга нарыг баталсны дагуу Онцгой байдлын байгууллагатай хамтран гамшгийн аюулаас урьдчилан сэргийлэх, аврах, хор уршгийг арилгах, хойшлуулшгүй сэргээн босгох арга хэмжээг авч хэрэгжүүлэн ажиллаж байна.

Монгол Улсын Их Хурлын 2016 оны сонгуулийн үр дүнг үндэслэн Монгол Улсын Засгийн газрын бүтэц бүрэлдэхүүн өөрчлөгдөж шинэчлэн байгуулагдсантай холбогдуулан дээрх улсын албадын түшиглэн ажиллаж байсан зарим яам, агентлагийн бүтэц өөрчлөгдсөн, шинээр байгуулагдсан, татан буулгасантай холбогдуулан дээрх тогтоолд өөрчлөлт оруулах тогтоолын төслийг боловсруулав. Үүнд:

-“Байгалийн болон химийн аюулыг үнэлж, мэдээлэх алба”-ыг Байгаль орчин, аялал жуулчлалын асуудал эрхэлсэн төрийн захиргааны төв байгууллагыг түшиглэн байгуулж улсын албаны даргаар Байгаль орчин, аялал жуулчлалын сайд,

-“Барилга, хот байгуулалтын алба”-ыг барилга, хот байгуулалтын асуудал эрхэлсэн төрийн захиргааны төв байгууллагыг түшиглэн байгуулж улсын албаны даргаар Барилга, хот байгуулалтын сайд,

-“Зам, тээврийн алба”-ыг зам, тээврийн хөгжлийн асуудал эрхэлсэн төрийн захиргааны төв байгууллагыг түшиглэн байгуулж улсын албаны даргаар Зам, тээврийн хөгжлийн сайд,

-“Уул уурхай, хүнд үйлдвэрийн алба”-ыг уул уурхай, хүнд үйлдвэрийн асуудал эрхэлсэн төрийн захиргааны төв байгууллагыг түшиглэн байгуулж улсын албаны даргаар Уул уурхай, хүнд үйлдвэрийн сайд,

-“Хүн ам, нийгмийн хамгааллын алба”-ыг хөдөлмөр, нийгмийн хамгааллын асуудал эрхэлсэн төрийн захиргааны төв байгууллагыг түшиглэн байгуулж улсын албаны даргаар Хөдөлмөр, нийгмийн хамгааллын сайд,

-“Хүнс, хөдөө аж ахуйн алба”-ыг хүнс, хөдөө аж ахуй, хөнгөн үйлдвэрийн асуудал эрхэлсэн төрийн захиргааны төв байгууллагыг түшиглэн байгуулж улсын албаны даргаар Хүнс, хөдөө аж ахуй, хөнгөн үйлдвэрийн сайд,

-“Түлш, эрчим хүчний алба”-ыг эрчим хүчний асуудал эрхэлсэн төрийн захиргааны төв байгууллагыг түшиглэн байгуулж улсын албаны даргаар Эрчим хүчний сайд,

-“Эрүүл мэндийн алба”-ыг эрүүл мэндийн асуудал эрхэлсэн төрийн захиргааны төв байгууллагыг түшиглэн байгуулж улсын албаны даргаар Эрүүл мэндийн сайд,

-“Мэдээлэл, харилцаа холбооны алба”-ыг Харилцаа холбоо, мэдээллийн технологийн асуудал эрхэлсэн төрийн захиргааны байгууллагыг түшиглэн байгуулж улсын албаны даргаар Харилцаа холбоо, мэдээллийн технологийн газрын дарга,

-“Мэргэжлийн болон цацрагийн хяналтын алба”-ыг мэргэжлийн хяналтын асуудал эрхэлсэн төрийн захиргааны байгууллагыг түшиглэн байгуулж улсын албаны даргаар Мэргэжлийн хяналтын ерөнхий газрын дарга,

-“Хэв журам сахиулах алба”-ыг гэмт хэрэгтэй тэмцэх, нийтийн хэв журам хамгаалах, олон нийтийн аюулгүй байдлыг хангах үүрэг бүхий хууль сахиулах байгууллагыг түшиглэн байгуулж улсын албаны даргаар Цагдаагийн ерөнхий газрын дарга,

-“Сурталчилгааны алба”-ыг Монголын үндэсний олон нийтийн радио, телевизийг түшиглэн байгуулж улсын албаны даргаар Засгийн газрын Хэвлэл

мэдээлэл, олон нийттэй харилцах албаны дарга тус тус ажиллахаар тогтоолын төслийг боловсруулав.

2016 онд батлагдсан Монгол Улсын Засгийн газрын бүтэц, бүрэлдэхүүний тухай хуулиар Байгаль орчин, ногоон хөгжил, аялал жуучлалын яам нь Байгаль орчин, аялал жуучлалын яам, Зам, тээврийн яам нь Зам, тээврийн хөгжлийн яам, Уул уурхайн яам нь Уул уурхай, хүнд үйлдвэрийн яам, Хүн амын хөгжил, нийгмийн хамгааллын яам нь Хөдөлмөр, нийгмийн хамгааллын яам, Хүнс, хөдөө аж ахуйн яам нь Хүнс, хөдөө аж ахуй, хөнгөн үйлдвэрийн яам, Эрүүл мэнд, спортын яам нь Эрүүл мэндийн яам, Мэдээллийн технологи, шуудан харилцаа холбооны газар нь Харилцаа холбоо, мэдээллийн технологийн газар болж тус тус өөрчлөгдсөн.

Энэхүү тогтоолын төсөлд гамшгаас хамгаалах улсын 12 алба, эдгээрт одоо мөрдөгдөж буй Засгийн газрын бүтцийн тухай хуулийн дагуу 8 яам, 3 агентлаг, олон нийтийн статустай 1 байгууллага ажиллахаар тусгав.

ОНЦГОЙ БАЙДЛЫН ЕРӨНХИЙ ГАЗАР